

Komm, du Heiland von us all

Nach dem Kirchenlied: Komm, du Heiland aller Welt

Plattdeutscher Text: Otto Pötter



Bild: pixabay

Komm, du Heiland von us all;
Menskensüöhn doo us di kund.
Wat wi bruukt is nie'en Drall,
Hiärt un Siälen sind us wund.

Wi bruukt ümkehr, Reu un Sinn,
Wietblick, Demoot, Gottvertrue'n;
Mitgefühl auk, nich to minn –
un all dat nich bloß nao Luun ...

Welt un Schöpfung geiht et leep;
us schinnt weinig wat an Wahl.
Wi sind fallen all, heel deep;
ohne di geiht' mit us daal.

Komm, du Heiland von us all,
dat wi nao de Bergpriägt liäwt
un nich dulldriest kommt to Fall,
nich in Wahn un Ohnmacht stiärwt.